



Hanya 20,000 tiket dijual aksi final Piala Malaysia

Aksi Piala Dunia, Sep 2, 2017



KUALA LUMPUR:

Susulan prosedur operasi standard (SOP) yang ketat oleh Majlis Keselamatan Negara (MKN), hanya sebanyak 20,000 tiket akan dijual bagi menyaksikan perlawanan akhir Piala Malaysia di Stadium Nasional Bukit Jalil, pada Selasa ini.

Perkembangan itu dimaklumkan Ketua Pegawai Eksekutif Liga Bolasepak Malaysia (MFL), Stuart Ramalingam yang menjelaskan jumlah jualan tiket itu diputuskan mengikut kapasiti penonton yang dibenarkan MKN.

"Namun MFL sudah mengemukakan permohonan kepada MKN agar jumlah itu dapat ditambah. MFL juga sudah memohon untuk penonton dibenarkan makan dan minum di dalam stadium.

"Kami berharap permohonan itu akan mendapat pertimbangan sebaiknya daripada pihak MKN," katanya dalam satu kenyataan rasmi, hari ini.

Dalam perkembangan sama, Stuart turut mengesahkan empat jenis tiket akan dijual untuk perlawanan akhir itu bermula serendah RM50 sehingga tertinggi iaitu RM150.

Katanya, tiket dikelaskan mengikut empat tier bermula Kemasukan Umum (RM50 dan RM70), Kemasukan Umum Premium (RM80) dan Grandstand Premium (RM150).

"MFL sudah menetapkan harga tiket bagi perlawanan akhir Piala Malaysia 2021 adalah sama seperti harga tiket pada 2019. MFL terpaksa menanggung peningkatan kos penganguran tahun ini.

"Dengan tiket hanya diperuntukkan sebanyak 20,000 tempat duduk, MFL masih mengekalkan harga tiket walaupun dengan jualan kuantiti tiket yang agak terhad," katanya.

Ketika ini, empat pasukan sedang berentap untuk merebut slot ke pentas akhir Piala Malaysia iaitu juara bertahan, Johor Darul Ta'zim (JDT), Terengganu FC (TFC), KL City FC dan Melaka United FC.

Tuah undian memihak Zii Jia

Oleh MNSUHAIRIL - November 30, 2021



Perlawanan Bola Sepak Pasukan Malaysia Akan Datang



Isnin, 6/12/2021; 5.30pm

Cambodia VS Malaysia

Khamis, 9/12/2021; 5.30pm

Malaysia VS Laos

Ahad, 12/12/2021; 8.30pm

Vietnam VS Malaysia

Ahad, 19/12/2021; 8.30pm

Malaysia VS Indonesia

Popular Post



EMMA KINI BERBAHAGIA BERSAMA SUAMI TERCINTA



HAALAND BECAME THE FIRST TEENAGER TO SCORE IN FIVE CONSECUTIVE UEFA CHAMPIONS LEAGUE MATCHES DURING THE 19/20 SESSION.



HAIRUL AZREEN NAJI TAYANG BADAN UNTUK LARISAKAN FILEM LAKONANNYA



Zii Jia mendapat taluan mudah dalam saingan peringkat kumpulan Jelajah Dunia Akhir BWF bermula esok.

KUALA LUMPUR: Pemain perseorangan lelaki negara, Lee Zii Jia berjaya mengelak daripada diundi satu kumpulan dengan pemain nombor satu dunia dari Denmark, Viktor Axelsen dan bintang Jepun, Kento Momota pada saingan Jelajah Dunia Akhir BWF yang berlangsung di Bali, Indonesia bermula esok.

Zii Jia, 23, yang menghuni ranking nombor lapan dunia seharusnya tidak berdepan masalah untuk mara ke separuh akhir apabila diundi dalam Kumpulan B bersama K Srikanth dari India, Kunlavut Vitidsarn (Thailand) dan Toma Junor Popov (Perancis).

Axelsen dan Momota pula dilabel sebagai pilihan untuk mara ke separuh akhir selepas diundi dalam Kumpulan A bersama dua lagi pemain iaitu Rasmus Gemke (Denmark) dan Lakshya Sen (India).

Pengarah Kejurulatihan Persatuan Badminton Malaysia (BAM), Wong Choong Hann bagaimanapun, berkata pihaknya enggan meletakkan harapan yang tinggi terhadap Zii Jia kerana sedar juara Seluruh England 2021 itu masih bergetar dengan prestasi tidak menentu dalam beberapa kejohanan sebelum ini selain baru pulih daripada kecederaan pinggang dia lamanya ketika final Terbuka Hylo di Jerman, awal bulan ini.

"Sukar untuk saya bercakap mengenai peluang Zii Jia kerana kita tahu dia masih belum dapat menemui rentak sebenarnya dalam beberapa kejohanan sebelum ini."

"Namun, saya harap Zii Jia menjadikan saingan Jelajah Dunia Akhir ini sebagai persiapan dia untuk menghadapi Kejohanan Dunia (di Huelva, Sepanyol bermula 12 hingga 19 Disember ini," kata Choong Hann.

Sebagai rekod, ini adalah kali kedua Zii Jia layak beraksesi dalam kejohanan akhir musim yang menawarkan hadiah wang tunai keseluruhan AS\$1.5 juta (RM6.36 juta) itu.

Penampilan pertamanya pada Edisi 2020 yang berlangsung di Thailand, Januari lalu menyaksikan dia gagal melepassi saingan peringkat kumpulan apabila tewas semua perlawanan di tangan Axelsen, Chou Tien Chen dari Taiwan dan pemain Indonesia, Anthony Sinisuka Ginting.

Sementara itu, saingan beregu lelaki menyaksikan pasangan profesional negara, Teo Ee Yi-Ong Yew Sin diundi dalam Kumpulan B bersama beregu Jepun, Takuro Hoki-Yugo Kobayashi, Pramudya Kusumawardana (Indonesia) dan Christo Popov-Junior Popov (Perancis).

Beregu wanita negara, Pearly Tan-M Thinaah yang membuat penampilan pertama dalam kejohanan ini pula diundi dalam 'kumpulan maut' bersama pasangan Thailand, Jongkolphan Kititharakul-Rawinda Prajongjal, Kim Soyeong-Kong Heeyong (Korea Selatan) dan juara Olimpik Tokyo 2020 dari Indonesia, Greysia Polli-Apriyani Rahayu dalam Kumpulan A.

"Semestinya kami teruja dapat beraksi dalam Jelajah Akhir Dunia ini, ia akan menjadi pengalaman yang bagus untuk kami."

"Mengenai undian, saya tahu kami akan berdepan cabaran yang sukar, setiap perlawanan pastinya sukar. Namun, kami tidak mahu meletakkan tekanan kepada diri sendiri sebaliknya cuba untuk memperbaiki prestasi kami," kata Thinaah.

Bagi saingan beregu campuran, dua wakil negara, Tan Kian Meng-Lai Pei Jing dan Chan Peng Soon-Goh Liu Ying diundi dalam Kumpulan A bersama pasangan Jepun, Yuta Watanabe-Arisa Higashino dan Mathias Christiansen-Alexandra Boje (Denmark).



FILEM PERTAMA HAIRUL AZREEN "ADA HANTU" AKAN TERSEDIA DI DISNEY+ 13 OGOS



DIKABARKAN PUTUS, IQBAL RAMADHAN UNFOLLOW DAN HAPUS GAMBAR TEMAN WANITA

Ziyad reda, sedia bangkit rampas kembali status

Oleh MNSUHAIRIL - November 10, 2021, Sep 2, 2017



"Atlet lontar peluru paralimpik negara, Muhammad Ziyad Zokkefi beraksi dalam acara F20 pada Sukan Paralimpik Tokyo 2020 di Stadium Olimpik Tokyo pada 31 Ogos lalu. - Foto BERNAMA.

KUALA LUMPUR: Jaguh lontar peluru para negara, Muhammad Ziyad Zokkefi tidak patuh semangat biarpun kerajaan memutuskan untuk tidak memberi ganjaran susulan insiden di Sukan Paralimpik Tokyo 2020, Ogos lalu.

Atlet berusia 31 tahun itu sebaliknya bertekad untuk kembali merampas status sebagai pemegang rekod dunia acara itu selepas rekod yang dilakukannya di Tokyo tidak diiktiraf kerana lewat tiba di bilik menunggu sebelum pertandingan dimulakan.

"Saya terima keputusan itu (kerajaan tidak memberi ganjaran) dan reda dengan apa yang berlaku. Lagipun, saya memang tidak meletakkan harapan yang tinggi untuk mendapat ganjaran selepas apa yang berlaku kerana memang saya tidak menang."

"Saya percaya ada hikmah di sebalik semua yang berlaku ke atas saya dan mungkin Allah mahu beri ganjaran yang lebih baik kepada saya pada masa akan datang."

"Seperti yang saya katakan sebelum ini, saya akan buat yang terbaik untuk sekali lagi mencipta rekod dunia. Saya akan terus bekerja keras dalam latihan bagi mempersiapkan diri menghadapi kejohanan akan datang," kata Ziyad kepada BH Sukan.

Ziyad terlepas emas dan rekod dunia yang dilakukannya di Tokyo pada 31 Ogos lalu dengan catatan 17.94 meter (m) selepas penyertaannya diklasifikasi sebagai Did Not Start (DNS) atau tidak bermula susulan protes yang dilakukan Ukraine disebabkan kelewatannya tiba di bilik menunggu sebelum pertandingan dimulakan.

BH Sukan, semalam melaporkan Menteri Belia dan Sukan, Datuk Seri Ahmad Faizal Azumu memaklumkan kerajaan memutuskan untuk tidak memberi sebarang ganjaran kepada Ziyad termasuk menerima Skim Hadiah Kemenangan Sukan (SHAKAM) selepas penyertaannya di Sukan Paralimpik Tokyo 2020 dibatalkan.

Ahmad Faizal bagaimanapun, berkata pihaknya akan berhubung dengan atlet berkenaan bagi membincangkan mengenai ganjaran yang tiada kena mengena dengan peruntukan kewangan kerajaan.

Pemenang pingat Paralimpik Rio 2016 itu berpeluang untuk kembali merampas status selaku pemegang rekod dunia apabila dijadual beraksi di Kejohanan Olahraga Para Dunia di Kobe, Jepun pada 26 Ogos hingga 4 September 2022.

dia juga akan beraksi dalam Sukan SEA Vietnam yang dijangka berlangsung pada Mei tahun depan selain Sukan Para Asia 2022 di Hangzhou, China bermula 9 hingga 15 Oktober.

"Saya kini sudah pun kembali ke Majlis Sukan Negara (MSN) bagi kembali menjalani latihan. Tahun depan banyak kejohanan dan saya perlu lebih bersedia dari aspek mental dan fizikal," katanya.

Follow Me

- [Like us on facebook](#)
- [Follow us on Twitter](#)
- [Add us on Google Plus](#)

More About Company

Buletin Seharian diterbitkan pada tahun 2020. Matlamat utama penerbitan adalah bagi menyiaran berita dengan lebih pantas dan mudah diakses oleh pengguna. Maklumat dan berita terkini semasa kini berada dihujung jari.

Keep Connected

- [Like us on facebook](#)
- [Follow us on Twitter](#)
- [Add us on Google Plus](#)

Contact Information

Kampung Pasir Putih Putatan,
88200, Kota Kinabalu,
Sabah
 01114127143

